



اعتصام

۲ جمادی الاول سنہ ۱۳۳۸

۲۷ تشرین ثانی سنہ ۱۳۳۵

{ منافع عامیہ خادم، مجموعہ اسلام پور }

دیندارلق و دینسزلك مجادلاننه صلب اولان هانكي طرفدر ؟ احمد شیرانی

فیضی

عناصر حیاتیة دولتدن عدالت

علی رضا

دینسزلكك اسباب و عوامل

طاهر المولوی

بخاراده علم وعلما

محمد امین

حال حاضرده دینی وعظارك موضوعی نملر اولمیدر ؟

یعقوب چلی

کوی اماملری



بروسه حیات علمیسنه

شوالده دینزلک دینک ، حسابات اصلیه و قدیمیه مخالف بر حال و حرکت دینکدرکه
 دینی مجادلانه سبیت ویرزده اشته بو مخالفندر . بو مخالفت ، باشقه لرجه مقدس طاینان
 دیانته تعرض و تجاوز صورتنده تجلی ایتیدرک ، مضرتی یالکز شـخصه منحصر
 دینزلکدن عبارت قالورسه ، مجادله فی موجب اولماز . فقط عموم دیندارلرک
 حساباتی رنجیده و مقدساتی بازیجه ایدـجک بر شکل تعرض و تجاوز آلیسه ، اوکارشی
 مجادله ده بولمق هر دیندارک وظیفه دینه سیدر . عنعنات ماضیه ایله برابر فطرت
 سلیمه ده انسانلری دیانته سوق ایدر . اشته بوکی عوامل دینه نیک تحت تأثیرنده
 بولنان هرمتدین ، هر انـسانک ده کندیمی کی دیندار اولمی ننمیسند بولنور .
 بناءً علیه قول ویا فعلیله دینزلکنی کوسـترمین بر کیمسه دینسر دیمه کنیدی
 تهنیانته مخالف اولور . دینزلکی ، کندیمی ایچون مفخرت و منورک و احکام
 دینه علیه سوز سوبلیکی ، یازی یازمی ده جسارت مدنیه عدایدن ضال و مضلره
 کارشی سیرجی قالمق ایسه ، الی قلم طوتان هر دیندارک راضی اوله جفی اهلکار قلردن
 دکدر . اولر صوصدیر بلیسه ، بزطیمتیه صوصه رز و انحق بو صورته مجاهلات
 دینه نیک اوکی آلینه بیلیر .

احمد شیرانی

— عناصر حیاتیة دولتدن —

— عدالت —

دولت و مات اوله بر شخصیت معنویه درک ابدی بر ماهیتی حائزدر . فقط
 بعضاً بر دولته ، بر ملتک حیاتی مقتضی بعض شرائطک عدمی اونک بادی انعدای
 اولور . اساسی عناصر حیاتیة دولت اوله رق ایکی شی وارددر : عدالت ، معارف .
 اشته بو عنصرلر سایه سنده درکه بر وقار هر بلر ، معظم بر ایمراطوراق تأسیس
 ایتمار ، شعله مدیترنی ، اوچلرندن آل قانلر آقان قیلنجلری عدالت و معارف

اوقیانوسلرنده بیقادقدن سوکره هر طرفه ایصال ایلشلردر . لیکن ، سوکره کوزلری قاماشدیران بومدب مدیت ، احتراصلرک ، عدالتلرک و جهالتک قربانی اولدی . چونکه آرتق اومعظم ایبراطورلنی یشاته حق عنصرلر استحالهره اوغواشی ، دوچار وهن اولمشدی !

تاریخ تدقیقندن مقصد کندیمزه بر عبرت مؤثره چیقارمق ایسه بووقعه تاریخیه بی دقت نظریله تدقیق و حیات تاریخیه منه تطبیق ایله ملی یز .

فخر کاشات علیه اکمل التمجیات افندمن حضر تلری « یقی الملک مع العدل والکفر . . . » بویورمشلردر . اساساً بوبارز حقیقی کیمسه انکار ایدمه من : عدل و کفر ایله حکومت پایدار اولور . ظلم ایله بر بوزندن قالفار ولوک حکومت اسلامیه اولسون . او حالحه توزیع عدالته بویوک بر اهمیت ویرمک لازمدر . عدلیه سی بوزوق اولان بر دولت ، ظلم ایدیور دیگدر . توزیع عدالت برجهتدن محکمه لر واسطه سیله اوله جفتدن آنلرک اصلاح و اکالی لازمه دن اولور . فقط یالکزر محاکمک اصلاحیه ایش یتمز ؛ قانونلرکده دوزمه لنیلمه سی وجیهه دندر . بر دولتک قوانین جزائییه سی ، اصول محاکمه قانونلری اجنبی بر دولت قوانینندن ، آکلاشیلیمقیزین ترجمه ایدلمش اولورسه اولردن هیچ بر نتیجه عدلیه بکلمه ملی یز . هر هانکی بر قانون سینت ملتدن صدور ایدر ، آنک هر درلو احتیاجاتی کافل بولنور ، مال و جان و عرض و ناموسی شریعت دائره سنده ضامن اولورسه ایشه او ؛ اصل قانوندر ، حقیقتدر . ترجمه ایله قانون اوله ماز . حالبوکه قوانین عدلیه منک چوغی بو تقیصه ایله شایبه دار ، محاکمزه اجرای عدالتده راجلدر .

حکومتیز بر حکومت اسلامیه اولدینی ایچون هر شیدن اول کوزمه یله جک نقطه ، پاییلان قوانینک اساس شریعته تطابق ایتدی ، وعصر حاضر ایجاباتیلده اویوشه بیلیمسی در . بوندن ماعدا محکمه لر ، مملکتده هر کس طرفندن نظر امنیت و تقدیر ایله قارشیلانه بیله جک بر درجه عدالتده اولمیدر . عکس حالحه افراد مات باب عدالته مراجعتدن اورکرلر . شونی دقتلیجه آکلاملی یز که محاکم ، افراد آرمه سنده بر واسطه تهدید و انتقام کی تلقی اولنورسه آرتق عدلیه منک هیچ بر حیثی قالماز .

زده بالخاصه بر جوق کیمسه لر خصمه لرندن انتقام آلتی سوداسیله محاکمی اشغال ایدر،
 طورورلر. بودوغرمیدر؟. خبر! اوقدر سقیم بر ذهنیت درکه هیچ بر مملکتک
 نه صرف و عادتیه، نه ده تلقیات اخلاقیه سنه صیغماز. محاکدن بحث ایدلدیکی وقت،
 بوتون لوئیات اخلاقیه نیک مصححی دکل بالعکس مشوقی صفتی طاقینان بر مؤسسه
 خاطره کئیور! کرک جزا، کرک حقوق محکمه لرنده دعاوی دوسیه لرینک قالین بیغلری
 آردسند. بوغولان حکام سبیلرینک نتیجه اجتماعیه سنی آله میورلر. محکمه تأسیسندن
 حاکم یتشد بر مکن، جزا ویر مکن. شبهه یوق که احقاق حق و تهذیب اخلاق کی
 علوی نایه لر کوزتیلور. فقط بوکون، وطن الیم سرگذشتلرک جزای محقی چکمه
 حاضر لایرکن بری طرفده، چیرکین، لوٹ آلوده مقصد لرله محکمه لرک قبولرنده دولوب
 طاشان بر سوری مختصرلر کوروپورز. بر مملکتده منازعات - کرک حقوق عمومیه به
 کرک حقوق شخصیه به تعلق ایتمون - نه قدر متزاید ایسه اخلاق عمومیه اودرجه
 سقوط ایتمشدر. حاکم لری اک آز مشغول اولان ملت اخلاقاً مترقی در. ایسته
 انکلتزه محکمه لری!.

جزا محکمه لرمنز ماکینه کی چالیشه رق بر جوق جزا لر حکم ایله دکلری حاله
 یته سرقتلر، قتللر مبتولاً بری برینی ولی ایدیور! اساساً تاسکیدن بری آورو بانک
 بزه وقوعبولان خیر خواهانه و صاباسی مباننده پک مهم بر قسمده عدلیه مزک اصلاحنه
 معطوف اولبور میدی؟ دور فضا حتمه اصلاحات عدلیه نامنه، قرون وسطائی بر
 جلادت، بر یکجری جلاد تیله قایدتولاسیونلری قولاً الفا اییلانلر دولتی دهاکولونج
 بر موقعه صوفش اولمادیلر می؟.

عدلیه مزک بوزوقلننک بر جوق سبیلری واردر. بر کره دعاوینک، شرقه
 مخصوص اولان اوزون معاملات قرطاسیه به تابع طریقه سنی، ثانیاً اصول محاکمات
 قانونلرینک ضیاع حقوق و زمانه بادی اوله حق درجه ده اوزون برطاقم معاملات مساع
 ویرمسی، ثالثاً علمای حقوقک، اوروباده اولدینی کی بیونک کتابلر لشرهی صور تیله
 بین الحکام مناقشات علمیه به بر زمین واسع اخضار ایدمه ملری کی تعدادی اوزون
 وجان صیقیه بی سبیلر، کوچک بر دعاوی اوزون بر زمان سور و کلیه بیلور. اصول

عماكم، لك بوزوقانی نقيجه می اوله رق، طرفیندن بریمی لك صاحجه برهانه ایله دعوائی دفعات متعدده ایله تعلیق ایتمه بیلور، کندی منفعت غیر محقه سنه مشارک شاهدلر بوله بیایر. بوجاهر قطعیاً فنادر، یا کاشدر.

حقوقی قانونلر يك زیاده حائز اهمیتدر. حال بوکه مالکیت مزده (خارسون) [۱] کی برعالم، برمنجر علم حقوق، قیمتدار ندقیقانیله حکامی اصلاح، قوانین قومیسبونلری، سنوبر وارشاد ایتمش اولسه بیدی اسکی ماده لر برسوری ذیل علاوه ایذاك صورتیله قانون جزامن اصلاح اولونمش عد اولونمازدی.

تبلیغاتك بولنده ایضا ایذیله مسمی، طرفیندن برینك محل اقامتك پولیسجه بولونما می کی ناصیه حکومتیه سیاه لککلر براقان عادی سبیلر شویله طورسون، قانوندن، حاکم اصل اولان وجداندن بی نصیب بولونان بعض دعوی وکیللریله البته حق احقاق اولونماز؛ ضایع اولور. بوکون همراسست کان محامی اولیور. حکومتجه بوکا نصل مساعدده ایذیلور ۱.

چالبوکه، برجزا محکمه سنده رهین ثبوت اولان وعرضه تعلق ایله دیکندن دولانی بوزلری قیزارتان بر دعواده مؤکلی اولان مظنون صاحجه ساپان سوزلریله تبرئه به اوغراشان وکیل افندیلر وار ۱.

محاکدن ماعدا، دولتك بتون شعبات امورنده حقوق، عدالتدن سرموانحراف ایتمه لك لازمدر. نظامنه کوره ایش باقمق، خاطره باقلمه برق حرکت ایتمك، بر مسئله حیاتیهدر. بر ملت مسك خاطری ایچون قوجه برملتك ضررینه بادی اولق؛ ایسته بزده کی عنعنه حیات دولت... تاریخی آچیکز؛ قانونيك هارلاق دورندن سوکرا سرکار دولته کلنلری نظرندقیقندن کچیریکز؛ عین چیرکین و باربار سجه به اکثریتله تصادف ایدرسکز، اگر جنجی خواجه لره مریر اقبالی حاضر لایان سلطان ابراهیم لر دن سوکره کو بریل محمد پاشا کی بلند همت برذاتك اهمیتتی تقدیر ایدن سلطان محمد رابع حضرتلری کلمه بیدی، سنه لوجه استانبولك فتنه و فساد قايناشان میاسنده دها نلر اولمازدی؛ ایجه بیللم که شرق مرض اجتماعیدی، مهمام امورك اهله عدم

[۱] خارسون پارس حقوق فاکولته سنده حقوق جزائییه و مقایسه لی تشریح جزائی پرونوبوردر

تودیندن ، شعبات اداریه دولتمه عدالت قضیه مستقام-اسنه ادنی بر اهمیت عطف اولومهمستدن ایلمی کیشدر . ثنوت ؛ اسلامیت ، امر بالمعروف ، نهی عن المنکر ، ایمانی اهلنه تودیع کی اساسات قدیمیه استناد آیدیکی حالده ، هر دیندن ، هر حرکت انقلابیه دن پک جوق اول مشورتی ، پارلمانناریزی امرایلدیکی حالده صرف جهات یوزندن اونک حدود علمی و اخلاقیسی خارجنه چیقهرق دولتک بیان رصیده-انسانی جریبحلر آچیللمه-سنه سیدیت ویرلدی .

هرکسجه معروف برسیا شوفکرده بولونیوردهی : هر ملککتمده ترقی و تنفیض ثروت و استراحت و خاطره و التماس کوره تأمین آیدیلیر ! .

نه قدر یا کلش بر فکر ! . صورارم که نه دن ، اوروپاده بر کلخان یکی ، بر باش وکیل ، بر خاطر ویا بر مبعوث اوله-میور ؟ . .

مجمودیه مکتبی معلملرندن

فیضی

دینسزلکک اسباب و عواملی

مابعد : اعتصام بمجموعه اسلامییه سی مدیریت علیه-سنه

ماده — ۴ — بومکتبلرمزدن نشئت ایدهرک دولت مأموریتنه سلوک ایدن و کندولرینه تعبیر جدیده کوره ملتک منور الافکار قسم مهمملری تام مریجلی ویریلان سوکیلی اولاد و قرداشلرمزدرکه بونلرکده ، اولسکی مقالهده عرض ایدیلان معلمین موجوده دن پک کیری قالدقلری کی ایچلرنده معلمین معروضه-یه رحمت اوقوده-حق درجهده ارکان اسلامی-دن تجرد ایدنلری-ده کمال تأسفله کورلمکده-در . بوکا اغلامیه-حق و بو حالک دوامی دوشونهرک عظیم اندیشه-لره دوشمیه-جک عقلی باشنده بر مؤمن متصور دکلدر .

کمال تأثرله شاهدی اولمقدمه بولندیغمز دیننده-کی قیدسزلکک-جریان عمومیه-سنه نظرآ هیچ حکمننده و فقط نتیجه اعتباربله پک اهمیتلی — بر مثال ارانسه-نی قائده-دن خالی